

剡源鄉志卷二十四

奉化趙霈濤 醉仙甫纂

大事記

唐

德宗貞元間置剡源鄉

案乾道圖經但言為鄉一十九宋景德三年併為八鄉至寶慶志始著剡源鄉之名查康熙志八鄉帶管之鄉適與圖經一十九鄉之數合是剡源鄉貞元時已有其名也至貞元以上無從

剡源鄉志

卷二十四

大事記

一

尋其蛛絲之迹矣

貞元十四年十二月壬寅明州將

舊書作明州鎮將

栗鎧殺其

刺史盧雲以反

鎧誘山越作亂攻陷浙東州縣

通鑑云明州鄞志案胡注

鄞縣南界奉化縣西北界山民也案全祖望曰以今地理質之當為鄞之傅霸河慈之鍾乳山潘嶼奉

之箬阮等地 盧為所害

李德裕祥瑞論

十五年二月庚辰

舊德宗本紀作乙未新紀在四月乙未

浙東觀察使裴

肅擒栗鎧於台州斬之

通鑑

肅帥台州兵討平之

舊裴休傳

擒栗鎧以獻斬於獨柳樹

舊德
宗紀

懿宗咸通元年三月裘甫入奉化抵甯海據之分兵圍象山四月宣歙將白琮等自上虞趨奉化解象山之圍

通鑑

案自上虞趨奉化必由北溪踰三折嶺過董村

亭下公塘諸村

五月浙東軍大破甫於南陳館賊自黃罕嶺遁

通鑑胡注黃

罕嶺在奉化西北

其黨劉從簡帥壯士五百突圍走諸將追之

大蘭山

胡注奉化縣西北有大蘭山在越州分界

從簡據險自守七月丁巳

剡源鄉志

卷二十四

大事記

二

諸將攻克之

通鑑

八月裘甫伏誅

新唐書懿宗紀

案劉從簡據大蘭山黎洲北溪必被其害

又案黃罕嶺在新昌與陳公嶺相近胡注謂在

奉化者誤奉化有黃甘嶺

僖宗乾符四年二月王郢攻陷望海鎮掠明州又攻台

州陷之刺史王葆退保唐興

通鑑

郢橫行浙西節度使裴璩密招其黨朱實降之散其

徒六七千人鎮遏使劉巨容以箛箭射殺郢餘黨悉

平

通鑑

案唐興卽天台縣非奉化之唐興然由明攻台
剡源乃經過之地

黃巢引亂兵過一峯下天將暝復過一峯下天已深黑
遂止嶺上故名大小晦住嶺

嘉靖志互見小晦嶺條

案此事本不可信黃黎洲四明山志曾駁之因
舊志所載姑存之

文德元年置公塘鎮民戶買撲名課管納官錢

寶慶志十四

宋

神宗熙甯二年添置公塘巡檢駐劄巡捕私茶鹽礬盜

剡源鄉志

卷二十四

大事記

三

賊等事

寶慶志

甯宗慶元四年守鄭興裔以官司既遠征斂無度重爲

民害申朝省廢罷

寶慶志

恭帝德祐二年丙子三月元兵至鄞

蔣景高撰袁鏞傳

沿海制

置使趙孟傳降

敬止錄

元兵旋擾剡源

陳本堂據集

元兵由奉至台溫軍馬往來之屯駐無一刻甯帖民
之弊於鋒鏑者枕籍室廬焚蕩田土蹂躪

本堂集

元

世祖至元十三年

卽宋德祐二年

冬趙孟傳起催米稅宋故

秘書監陳著上書止之

本堂集

明

崇正十六年奸民胡乘龍謀作亂聚眾於雪竇山自稱

天萌國大將軍分布黨羽刻期待發為其黨所告太守

陸自嶽討滅之

雍正志

胡乘龍倡亂雪竇剋日分犯自嶽捕內應六人誅之

隨發兵直抵賊巢獲其巨魁餘勿問當急變時自嶽

募疋羸民兵六百人或曰兵期壯勇奚用是為自嶽

曰此饑饉餘生不急收之祇助寇耳旬日之間閭井

剡源鄉志

卷二十四

大事記

四

晏然

浙江通志

國朝

世祖章皇帝順治五年戊子吳奎明袁應彪以兵應故

明侍郎王翊

全祖望撰
王翊墓碑

六年己丑夏大兵攻公塘洞主吳奎明破之奎明奔至

河泊所

全祖望撰
王翊墓碑

白寇作亂大掠剡源諸村

參石門康嶺
沙隄諸譜

八年辛卯七月王翊招兵榆林柏溪之間將由奉化出

天台至北溪為團練兵所執不屈死之

全祖望撰
王翊墓碑

聖祖仁皇帝康熙十三年福建耿精忠反逆臣曾養性傳 嵯縣

盜胡雙奇聚眾大嵐山乾隆志 倚勢攻劫明年郡守與邑

令命毛岳靈等追剿之雙奇逃入海鄞曹志

胡雙奇嵯令嘗擒置諸獄命勿與食餓斃之數日猶

生卒怪問之乃夜有大鼠銜胡餅與食故不死卒驚

曰爾必大貴遂偕逃時耿逆倡亂胡潛倚聲勢雍正志

副賊龔萬里乾隆志 力制奔牛猿臂善射雙奇倚為長

城石門毛譜 胡偕入唐田北溪劉鴻聲平大嵐記 聚眾大嵐山乾隆

志 漸乃焚康嶺平大嵐記 先犯石門有毛嘉仙者改名岳靈 率

剡源鄉志

卷二十四 大事記

五

本族人瑞雲仲和暨巖頭毛鳳芝鼎一趙青照撰毛鳳芝傳 與

之力戰賊敗去乾隆志 明年春郡守邱業鄞曹志 與邑令

曹鼎臣聞其名命率毛氏族乾隆志 隨千總湯文乙合

團練鄞新志 搗寇巢穴殪其眾走胡雙奇斬龔萬里大

嵐以平乾隆志

案剡源各村譜牒俱當時被胡寇所燬亦慘矣

宣宗成皇帝道光二十一年八月庚戌英吉利陷甯波

十一月己卯二十九日陷奉化

福建提督余步雲帶兵由新昌之陳公嶺過剡源其

兵卒咸捉壯夫擔其行李居民驚恐至泉口逗留不進聞郡城陷退屯上元巖白巖之野

案此事剡人唾罵至今而鄞新志定海新志均
失載

二十五年九月知縣王濟議加錢糧耗銀邑民控諸上司不得直張恭安走京師訴冤

知縣王濟與庫書某城紳某議加錢糧耗銀畝增錢三十邑民忿甚訴諸省省下之府知府李汝霖庇濟反鞭朴控訴者邑民大闕縣中方科試士子赴試者

剡源鄉志

卷二十四

大事記

六

輒被鄉人逐回遂相率入城焚庫書與城紳屋廬濟走白上司指張名淵等爲魁汝霖懼禍及陳牒告病巡道陳之驥與提標參將百勝帶兵來剿鄉民出擊之兵潰諸將皆遯鄉民止百勝於泉口不得歸三石趙舜年聞之曰鄉民捉中府罪不細以數十人往救之時有與舜年爲讎者讒於百勝曰舜年來捉中府也遂有餘黨之名未幾按察使蔡瓊督杭協兵馳至聲言進剿民惶懼遣張恭安走京師訴冤巡撫梁寶常先後奏聞

詔諭寶常帶印赴甯波會同提督詹功顯迅速籌辦十月丙申得

旨奉化縣匪徒張名淵等因所控糧案未結輒敢聚眾阻考歐辱委員焚劫民舍提督詹功顯迅即撥兵派令參將百勝都司鄧鳳翔帶令赴授旋將匪徒擊散見在倉庫監獄未動該匪徒出城以後各鄉附和之徒漸次散去惟唐畧汪家村等莊尙聚多人計圖抗拒該縣知縣王濟先因增加錢糧釀成京控該府李汝霖審訊此案輒復擅責生監以致人心不服又於

剡源鄉志

卷二十四

大事記

七

有事之時遽爾告病顯有規避情事李汝霖王濟均着即行革職拿問甯紹台道陳之驥前往該處不能彈壓撫諭因匪黨眾多輒行避匿實屬懦怯無能陳之驥着暫行革職該撫惟當會同該提督督率弁將將未散匪徒迅速撲滅剋日蕝事其著名匪犯張名淵等務須按名拏獲舜年潛匿白粉壁之驥購之急至次年正月爲其戚柳某所告遂被逮至省城二月遇害闔邑冤之

參東華錄
并鄞志

案此案各鄉均有被冤之人茲不贅敘

文宗顯皇帝咸豐十一年十月丁丑二十日粵賊范汝增率黨數萬攻新昌陳公嶺官軍潰遂踰剡界嶺其前鋒屯六詔戊寅大掠剡源中路諸村擄去居民三四百人焚室廬數百間己卯陷奉化

十二月賊遣其黨賀某等設卡於康嶺上蹕駐

十一月壬辰初八日賊陷郡城下偽令蓄髮各鄉設偽

軍帥師帥旅帥脅令紳富充當竝給偽印旗且令各

村進貢如洋圓錢文酒米豬羊雞鴨之類編立門牌一牌出番洋三

圓五角時番洋每圓計錢一千八百皆從新邑孫家地換來未幾開造田冊以

剡源鄉志

卷二十四

大事記

八

五畝以上計算納米二斗

穆宗毅皇帝同治元年正月戊戌十五日賀賊等聞義兵

耗宵遁縣城辛丑十八日武生毛殿英起義討游賊於康

嶺三石人先擊之於西隅不勝陳嗣振死之殿英率毛

謙榆毛謙杉毛裕足力戰於斑溪賊大敗謙榆謙杉裕

足復追賊至嶺下畝而亡

正月十四日賀賊等聞有義兵之耗相率遁入城中

是日有游賊數千往返靡常勢將盤踞康嶺十八日

石門毛殿英與其子武生偉儒起義討賊約各村午

後齊擊會三石人先出擊之不勝賊殺陳嗣振一人而去未幾殿英合謙榆等數百人迎擊於斑溪殲賊酋三人賊大敗謙榆等追至康嶺殺賊數十及嶺下畝與賊力戰賊眾回擊力竭遇害賊夜遁至徐家步頭各村義民鳴鑼起擊無一得脫

陳嗣振毛謙榆等詳人物傳

四月甲子

十二日

中外諸軍攻克郡城賊分路竄逃乙丑

屯泉口溪口奉化城賊聞之棄城走日嶺丙寅均過剡源擄去居民數百人殺死百餘人遁入新昌

八月丙子

二十六日

粵賊陸順得由陳公嶺過剡源焚劫擄

剡源鄉志

卷二十四

大事記

九

掠無算戊寅陷奉化

僞來王陸順得眾號十萬屯新嵎處州千總李珏以陳公嶺之軍約陳朝雲趨嵎遇賊於茶坊嶺敗績朝

雲退金庭館都司王嘉仁助邵英豪守陳公嶺乙亥

二十五日

陸順得乘大霧從小徑入攻朝雲力戰受傷所

部死者百餘人官軍遂大潰朝雲率部下且戰且走沿途告居民逃避丙子踰剡界嶺丁丑焚劫中路一

空戊寅奉化城陷知縣屈永清走北渡投水死

參鄞新志

閏八月戊戌

十八日

中外諸軍攻縣城克之由賊連山鄉

而去奉化肅清

案此時幸北門外有民團數千喊吶助勢賊始
啓南門夜遁不然剡源又不知遭若何苦劫矣

粵賊之來去
均經目擊

又案總計自十月底起至次年四月止八月起
至閏八月止剡源中路爲往來之孔道

光緒二十四年戊戌夏亭下鎮鹽店被劫冬米店染店
復被劫大巖坪被劫傷事主王老六成廢

二十六年庚子春正月知縣龔照瑗令周善安督率城

剡源鄉志

卷二十四

大事記

十

團協竺廷勳直搗賊巢擒賊黨應阿少以歸

先是上年十一月間棲霞阮職員王昌灼家被賊劫
去衣服等一千餘金賊疊次窺伺董村雖被村民擊
退乘間復來夜不安枕者數月諸生竺廷勳迭請官
兵勦賊卒未之應而各村盜案疊出民心惶惑明年
正月邑令龔令城紳周善安率團勇數十名星馳董
村廷勳合董村暨棲霞阮鄉團五六十名將往進勦
時平地雪深數尺城鄉各團丁皆有難色善安謂乘
雪勦賊蹤迹可尋且出其不意眾皆激勵乃督眾冒

雪山三折嶺而至北溪天已昏黑次日仍冒雪前行
直抵鄞邑裏塢阡等處焚著名盜窩數家獲其黨應
阿少送縣餘賊皆遁剡境少安至冬小千奧董家橋
康嶺等處又被劫

二十七年辛丑二月至十二月沙阡曹家地公棠晚響
嶺三石巖阡斑溪等處各被劫請官勦捕若罔聞知

祥異

仁宗嘉慶二十年乙亥九月桃有花

二十一年丙子毛家灘災

被焚七
十二家

剡源鄉志

卷二十四

祥異

十一

二十五年庚辰七月二十二日大水

宣宗道光九年己丑十二月十八日三石陳五房災

十二年壬辰冬饑

十三年癸巳夏初旱苗不克入土多種苞蘆以代禾稼

秋大水壞田餓莩枕相籍有留女子一餐粥不肯去

而願爲妻者民多採草根木皮

甚有掘三十六桶卽
老鴉蔥頭以食者其

味甚苦須以水浸
三十六桶方可食

并糠屑以療飢冬大雪斗米值錢

五百文

八升四
合斗

十四年甲午又大饑至秋初收穫民困始甦

二十一年辛丑十一月大雪

二十六年丙午夏旱冬大雪平地積至五六尺林木多被壓折未幾又連日雨雪總計有三十六潮云是年六月初旬羣傳有妖青城鄉俱於門上黃紙朱書籛籛籛籛四字以辟之并以紅布裁作團圓樣一面亦書此四字一面書八卦羣小兒垂之胸前鄉人鳴鑼號眾日夜不絕月餘始安

二十八年戊申七月大雨霧擊落早禾以筭刷之一人每日可得穀三四十斤

剡源鄉志

卷二十四

祥異

十二

三十年庚戌夏大旱溪穴深至一二丈而泉俱竭至八月壬申十三日大風雨連朝不止山出蛟平地水漲三尺損壞田廬無算

文宗咸豐元年辛亥夏旱秋淫雨連日大水汨沒田畝無算

二年壬子十二月辛巳初六日夜地震有聲

三年癸丑夏旱六月癸巳二十日大水田禾無收邑侯韓培乾下鄉勘災

四年甲寅春將曉有聲若鼓山雉飛且鳴父老云此天

礮也豐年之兆諺云天礮雉雞叫有穀無人要是歲

果大有年

十一年辛酉六月壬申

日十五

沈家巖俞從寅家產白象

雄觀者如市三日而斃十二月大雪積四五尺每夜

一潮至明年正月止蓋半箇月云金竹彥白象

年分無考

上蹕駐宋開桂家產白象

年分無考

穆宗同治十一年壬申秋旱井泉枯至冬季始雪

十二年癸酉正月丙午

二十日六日

日赤無光是日

皇太后撤簾

剡源鄉志

卷二十四

祥異

十三

毅皇帝親政自春末不雨直至七月始雨歲大禔

光緒元年乙亥十一月乙未

初二日

雷

十三年丁亥七月大疫至九月止死者甚眾沙隄公塘

康嶺更甚

三村約死四百人闔鄉不下一千人

親戚不通音問此證名

霍亂

俗名叶痛腳筋弔又名絞腸痧

須以大劑附子理中湯浸冷服

之若服他藥必死不吐不瀉者名乾霍亂於附子理

中湯內加枳殼檳榔七月下旬謠言八月初一日早

晨有大災屆期意無恙

十四年戊子元旦

辰刻

雷傳聞紹興擊死騙財一人

二月雨紅豆年分失考

十五年己丑秋八月至十月淫雨四十餘日晚禾腐爛
無收各鄉紛紛告荒惟剡源人安靖如故

十八年壬辰十一月庚戌二十雨雪嚴寒異常二十九

寒暑表縮至十五度至十二月初六略和竹籜不得行者二十

日瓶盎冰裂果木多凍死

二十一年乙未謝界山陸伯宏家產四足雞夏旱秋大水又大疫死者甚眾其證與十三年無異

二十二年丙申夏四月淫雨小麥抽芽秋大有年十二

剡源鄉志 卷二十四 祥異 十四

月晦日卯刻雷電雨

二十五年己亥六月庚寅十四日大水坍塌田禾二千餘

畝祠廟廬舍亦有損傷溺死二人飄沒樹木柴炭無算此次水災後路最甚為百年來所未有中路次之惟前路無災

二十六年庚子春三月壬子初十日日赤無光癸丑大雨

辰巳兩時天暗如夜

二十七年辛丑六月丙申初二日北溪等處天雨雹其大

如盃擊碎屋瓦無一完宇

雜記

斑溪董氏其始祖宋郡馬禎相傳自三石董家村遷居焉其後裔有聲教者字坤方業儒家素饒道光丙午孟夏宅後有樹株重百鈞忽然飛置庭中又一日聲教洗濯之巾忽不見倏又擲置書冊旁拾視之上有巨印一顆其色赤大駭之種種怪異訖無虛日乃禱於庭旦則書曰余卽郡馬陰靈也自後遂附於聲教身累作奇行怪語惟書法尤爲可異無論深夜暗室但具筆硯無事然燭卽整整成行且多以字書作古器狀其草書如藤蘿不可識認而筆氣鼓蕩可愛亦

剡源鄉志

卷二十四

雜記

十五

間作行楷四方求書者踵相接一日三石陳錦聞其奇往訪之聲教敘禮畢卽作郡馬語并道與本堂新城子諸公當日修好事錦曰若然公肯過寒舍爲某一揮翰乎應曰諾遂訂期六月之望屆期聲教偕其友張雨田至錦問郡馬所來則曰尙少有待未幾聲教忽抽身起曰郡馬公至矣錦出視之漫無蹤跡惟聞清香一陣問所膳惟果餌茗香他弗需也及黃昏後錦當廡下研墨忽爾錚然一聲燭之則皎皎一錢旣而自空中下墜者五六次已乃邀其揮墨具紙墨

於中庭惟聲教一人人不知其作何舉動雖盈几大
字無須外人左右亦不許人窺探頃刻立就十餘幅
正草不一鉅細不等其中一幅題喜還堂三字錦曰
此先樞密院公所築之堂也惟載之家乘雖宗族內
無幾人知之者而竟表而出之乎夜將半又設酒款
之詰旦而往至八月而寂焉無聞矣

陳濟靈撰
奇異記

千丈巖築牆記

昔梁武帝捨身同泰寺二次爲漢明帝以來佞佛之尤
說者謂捨身者出家也若吾鄉之所謂捨身者則異

剡源鄉志

卷二十四

雜記

十六

是或財物爲人劫取或債負爲人逼迫計無復之往
往至千丈巖捨身而死焉我剡有瀑布三一千丈巖
瀑布一徐鳧巖瀑布一隱潭瀑布皆爲遊四明者必
到之地彼捨身者不於徐鳧不於隱潭而必於千丈
巖者何也蓋徐鳧自上觀下水勢急流隱潭由外入
內巖壁峭立均懍懍然有懼色惟千丈巖之上平地
數丈無畏無怖向南一厓奮然有躍已骨肉齎粉矣
有閣在突出之巖腰者有隨流至數十里外者及家
屬聞知來殮號哭之聲行路不忍聞嗚呼慘矣以余

六十年中所聞不下三四十人此三四十人者設有人從而勸阻之必不至於死其奈此地幽僻無人何然則六十年以前逆溯之其死於此者殆不可以數計矣余於數十年前思得石闌干一法歲癸巳屬張君芝賢勸捐監造張君謂石闌干經費浩大不如築牆便遂與同志江君鈞山溪人築牆八十餘丈下砌以石上實以土覆之以草復壓之以石旁栽荆棘費洋泉二百二十餘元捐資僅三之一張江兩君各出己資三之一兩君者真可謂勇於任事者矣僧家云

剡源鄉志

卷二十四

雜記

十七

救人一命勝造七級浮圖以百年計之兩君此舉直可救五六十人之命其爲功德豈有量耶張君又於每歲中秋日放焰一堂以祀數千百年來無數冤鬼亦佞佛而近於人情者余擬作記以傳其事因循不果者數年今鄉志刷印將竣爰據實而追錄之光緒

二十八年端午後二日

剡曲草堂稿

案築牆之次年余至其地往觀果然堅緻牢實復周視左右見石橋下水流直瀉恐捨身者從橋上一躍與從山崖一躍無異復向張君謂此處須用

鐵闌干橫鎖之則絕無罅隙矣張君唯唯又次年
張君謂余石橋下數丈兩岸巖石有鑿孔各一想
當初本有石闌干或鐵闌干也然則山厓之石闌
干亦可決其必有特代遠年湮無由而知耳後張
君亦因循未果不數年果有一人從石橋下捨身
余愧力不能助又愧不克捐資以補罅隙可慨也
夫然癸巳至今十年祇此一人張君之力亦匪細
矣我剡有仁人君子慨助六七十金俾張君克終
厥事殆毫髮無遺憾云是余所日夕不忘者也

剡源鄉志

卷二十四

雜記
助洋姓氏

十八

助洋姓氏

募兵必先籌餉無餉必不能募兵故將助洋姓氏列於簡末以垂不朽凡助洋四元者酬鄉志一部又酬陳本堂先生年譜一部助洋八元者酬鄉志兩部年譜兩部由此遞加

王洽成

助洋十六元

王庭槐

助洋四元

竺自篁

助洋四元

俞小英

助洋四元

盧繼繼
葆賢

助洋四元

盧質仙
宗濤

助洋四元

馬村

助洋四元

胡宙房眾

助洋四元

俞香木

助洋四元

單智房眾

助洋四元

亭下裏宅眾

助洋四元

毛崇義眾

助洋四元

榆林下陳眾

助洋四元

石門步青會

助洋四元

康林木

助洋四元

剡源鄉志

卷二十四

助洋姓氏

十九

沙隄眾

助洋四元

張利房

助洋四元

陳姓眾

助洋四元

何思本堂

助洋四元

塔下眾

助洋四元

淨慈寺

助洋四元

柏阮眾

助洋四元

宋周房眾

助洋四元

宋商房

助洋四元

石橋頭汪漢房

助洋四元

王右軍廟眾

助洋四元

斑溪董姓眾

助洋四元

剡源鄉志

卷二十四

助洋姓氏

二十

計筆墨紙劄洋四十八元五角膠煤洋二元衣線洋

二元字盤洋二元拍石窗照相繪圖洋四元五角刻

圖洋十四元四角刷印六百三十葉陳本堂先生年

譜五十餘葉翻板三十葉三共計洋六十元

津貼刻
資在內

雜費洋六元二角總共費洋一百三十九元六角

五男文尺校字